

11-րդ շաբաթ

Թեմա՝ «Խաղեր և սպորտաձևեր»

Ա. Ստորև տրված հարցերի օգնությամբ կառուցել 5-10 բույս տևողությամբ բանավոր տեքստ և ներկայացնել այն լսարանին:

Հարցեր՝

1. Ո՞րն է խաղի և սպորտաձևի միջև տարբերությունը:
2. Որո՞նք են ձեր մանկության խաղերը:
3. Ո՞րն էր ձեր ամենասիրելի խաղը: Ինչո՞ւ:
4. Փոխվե՞լ են արդյոք խաղերը ձեր մանկությունից մինչ օրս:

5. Որո՞նք են ձեր երկրում տարածված սպորտաձևերը:
6. Ովքե՞ր են ձեր երկրի ամենահայտնի մարզիկները:
7. Ո՞րն է ձեր ամենասիրելի սպորտաձևը: Ինչո՞ւ:
8. Ի՞նչ սպորտով եք զբաղվում դուք: Ինչո՞ւ:

9. Ո՞վ է ձեր ամենասիրելի մարզիկը:
10. Ի՞նչ դեր ունի սպորտը ձեր կյանքում:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ`

հանրապետություն	տարածք
լեռներ	ազգեր
լճեր	թանգարաններ
գետեր	փողոցներ
ծորեր	մշակույթ
վանքեր	արվեստ
բերդեր	արդյունաբերություն
խաչքարեր	տնտեսություն

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր` երկխոսելով մյուս ուսանողների հետ:

Քննարկի նմուշ`

Շախմատի եռակի օլիմպիական չեմպիոն, աշխարհի նախկին գավաթակիր գրոսմայստեր Լեւոն Արոնյանը «Ռադիո Ռոսսիի» ռադիոկայանին տված հարցազրույցում, մասնավորապես, ասել է, որ չի սիրում շախմատով զբաղվել երեկոյան ժամերին, շատ է սիրում մարզվել առավոտները: Այս մասին տեղեկացնում է «Արմենպրես»-ը` վկայակոչելով «Ռադիո Ռոսսիի» ռադիոկայանը:

«Ես ինձ լավ չեմ զգում, եթե գիշերը շախմատային երազներ եմ տեսնում, ուստի փորձում եմ երեկոյան ժամերին կամ ֆիլմեր դիտել, կամ գրքեր կարդալ», - ասել է Արոնյանը:

Նա նշել է, որ միջազգային մրցումներին միշտ իր շուրջն են 3-4 մտերիմ մարդիկ, իսկ եթե դա բացառիկ կարեւոր մրցաշար է, ապա եւ ավելի մեծաթիվ: Արոնյանն ասել է, որ Հայաստանն ունի իր վստահելի թիմը, «եւ կարիք չկա այս թիմից որեւէ մեկին փոխել, քանզի թիմի անդամների միջեւ ստեղծված համագործակցությունը միշտ դրական արդյունք է տվել»:

Արոնյանն ասել է, որ ինքը սիրում է խաղալ ֆուտբոլ, բասկետբոլ, թենիս, դիտել ամերիկյան բասկետբոլի լիգայի մրցամարտերը, նաեւ նշել, որ հակում չունի դեպի քաղաքականություն:

Միաժամանակ նաեւ շախմատի եռակի օլիմպիական չեմպիոնը խոստովանել է, որ նախընտրում է խաղալ ուժեղ մրցակիցների հետ, քանի որ այս դեպքում գեղեցիկ եւ տպավորիչ պարտիաներ, իսկական շախմատային արվեստ է ծնվում:

«Շախմատը՝ այս հնավուրց եւ գեղեցիկ խաղը, մշակույթի լավագույն խորհրդանիշն է», - հավելել է նա:

Աղբյուր՝ <https://armenpress.am/arm/news/693264.html>